



অবিলম্বে প্রকাশের উদ্দেশ্যে: 8/30/2022

গভর্নর ক্যাথি হোকল

গভর্নর হোকল বাফেলোতে নতুন ওয়েস্ট সাইড বাজারের কাজ শুরু হওয়ার ঘোষণা করলেন

ক্ষুদ্র ব্যবসা ইনকিউবেটর এর আকার পাঁচগুণ করবে, আরো গ্রাহককে আকৃষ্ট করবে, এবং অর্থনৈতিকভাবে সুবিধাবঞ্চিত উদ্যোক্তাদের জন্য অতিরিক্ত সুযোগ সমর্থন করবে

নতুন ওয়েস্ট সাইড বাজারের রেন্ডারিংসমূহ এখানে উপলভ্য আছে

গভর্নর ক্যাথি হোকল আজকে ঘোষণা করলেন যে একটি নতুন এবং উল্লেখযোগ্যভাবে সম্প্রসারিত ওয়েস্ট সাইড বাজার (West Side Bazaar) তৈরি করার 11.5 মিলিয়ন মার্কিন ডলারের প্রকল্পের নির্মাণ কাজ শুরু হয়েছে। 2011 সালে ওয়েস্টমিনিস্টার অর্থনৈতিক বিকাশ উদ্যোগের (Westminster Economic Development Initiative, WEDI) দ্বারা প্রতিষ্ঠিত ওয়েস্ট সাইড বাজার ক্ষুদ্র ব্যবসা ইনকিউবেটরটি দ্রুতই অনন্য খাবার ও খুচরা কেনাকাটার সুযোগসম্পন্ন স্থানীয় ও পর্যটকদের জন্য একটি জনপ্রিয় কেনাকাটা ও খাওয়া দেওয়ার গন্তব্য হয়ে উঠে।

"10 বছরের বেশি সময় ধরে, ওয়েস্ট সাইড বাজার সুবিধাবঞ্চিত উদ্যোক্তাদের তাদের স্বপ্নকে বাস্তবে পরিণত করার সুযোগ প্রদান করেছে।" **গভর্নর হোকল বলেন।** "আমি এই বাজারে যাওয়া, বাজারের বিক্রেতাদের সাথে দেখা করা এবং তাদের গল্প শোনা উপভোগ করেছি। ওয়েস্ট সাইড বাজারের নতুন অবস্থানটি সম্প্রদায়ের জন্য একটি উল্লেখযোগ্য অর্থনৈতিক আশীর্বাদ হয়ে থাকবে, হাজার হাজার দর্শনার্থীকে আকৃষ্ট করবে এবং নায়্যাগ্রা স্ট্রিট এবং বাফেলোকে সমৃদ্ধি করতে সাহায্য করবে।"

ওয়েস্টমিনিস্টার অর্থনৈতিক বিকাশ উদ্যোগের পরিচালিত বাজারটি একটি অনন্য ক্ষুদ্র ব্যবসার ইনকিউবেটর যা উদ্যোক্তাদের সফল ব্যবসার মালিক হওয়ার পথে সমর্থন করে। এখানে আছে একাধিক খাবার ও খুচরা বিক্রেতা যারা বিশ্বের সকল প্রান্তের মানসম্পন্ন আসল পণ্য বিক্রি করে। বাজার গতানুগতিক ব্যাংকিং ও অন্যান্য আর্থিক প্রতিষ্ঠানের সমর্থন পাওয়ার যোগ্য নয় এমন নারী, সংখ্যালঘু, উদ্বাস্তু, অভিবাসী এবং অন্যান্যদের সমর্থন করে, তাদের ক্ষুদ্রঋণ ও কারিগরি ব্যবসা সহায়তা প্রদান করার মাধ্যমে। এখন পর্যন্ত, ওয়েস্ট সাইড বাজার 48টির বেশি ক্ষুদ্র ব্যবসাকে ইনকিউবেট করেছে।

ওয়েস্টমিনিস্টার অর্থনৈতিক বিকাশ উদ্যোগের নির্বাহী পরিচালক ক্যারোলিন ওয়েলশ বলেন, "আমরা অত্যন্ত খুশি এই বিকাশ কাজের ব্যাপারে এবং আমরা একটি খালি ভবনকে ওয়েস্ট সাইড সম্প্রদায় এবং সম্পূর্ণ ওয়েস্টার্ন নিউ ইয়র্কের জন্য একটি প্রাণবন্ত গন্তব্যে রূপান্তরিত করতে উন্মুখ। আমরা অন্যান্য ব্যবসাকে আমাদের সাথে নায়াগ্রা স্ট্রিটে যোগ দিতে দেখার জন্য উন্মুখ যাতে আমরা সম্প্রদায়ে ইতিমধ্যে যে গতি দেখতে পাচ্ছি তাতে সংযোজিত হতে পারে। এই বৃহত্তর স্থানটির সাথে আসে অর্থনৈতিকভাবে সুবিধাবঞ্চিত উদ্যোক্তা যারা আমাদের শহরে একটি ব্যবসার মালিক হওয়ার ও পরিচালনা করার জন্য আগ্রহী, তাদের জন্য আরো বেশি সুযোগ নিয়ে। একত্রে, আমরা এমন একটি স্থান তৈরি করছি যা আমাদের অঞ্চলের জন্য দারুণ প্রতিশ্রুতি ধারণ করে।"

25 গ্র্যান্ট স্ট্রিটের বর্তমান ওয়েস্ট সাইড বাজারটি এক সপ্তাহে হাজার হাজার দর্শনার্থীকে আকৃষ্ট করে এবং বিক্রি করতে ইচ্ছুক 125টি উচ্চাকাঙ্ক্ষী উদ্যোক্তা অপেক্ষা তালিকায় রয়েছে। বাজার সরানো ও সম্প্রসারণ করার ক্যাপিটাল ক্যাম্পেইন "বিল্ডিং কমিউনিটি, বিল্ডিং অপর্চুনিটি, বিল্ডিং দ্য নিউ ওয়েস্ট সাইড বাজার (Building Community, Building Opportunity, Building the New West Side Bazaar)" শুরু হয় 2021 সালের বসন্তে। 1432 নায়াগ্রা স্ট্রিটের 16,000 বর্গফুটের খালি ভবনটির পুনর্বাসন 24টি রেস্টুরেন্ট, খুচরা বিক্রেতা, পেশাদার সেবাদান ব্যবসা, স্বাধীন বাবুর্চিদের জন্য পরীক্ষা ও ভাড়ার রান্নাঘর, শ্রেণীকক্ষ, ইভেন্ট স্পেস এবং 200+ মানুষের বসার স্থান প্রদান করবে।

[WEDI-র অর্থনৈতিক ফিজিবিলিটি স্টাডি \(Economic Feasibility Study\)](#) অনুমান করে যে প্রত্যক্ষ ও পরোক্ষ ব্যয়ের মাধ্যমে উল্লেখযোগ্য অর্থনৈতিক প্রভাব ফেলবে, যা পাঁচ বছরে আনুমানিক 34 মিলিয়ন মার্কিন ডলার এবং এখানে বার্ষিক 250,000 দর্শনার্থী বেড়াতে আসবে বলে ধারণা করা যাচ্ছে। এছাড়াও এটি ওয়েস্ট সাইড সম্প্রদায়ের প্রাণোচ্ছলতা এবং হাঁটার উপযোগিতাতে অবদান রাখে এবং এলাকার ব্যবসাগুলির বিক্রি বৃদ্ধি করে।

WEDI-র ব্যবসা ইনকিউবেটর সহায়তা, যার মধ্যে রয়েছে ক্ষুদ্র ব্যবসা ঋণ এবং ব্যবসা পরিকল্পনার কোচিং, শুধু অভিবাসী নয়, অর্থনৈতিকভাবে সুবিধাবঞ্চিত পটভূমির সকলের জন্য উপলভ্য যাদের একটি ব্যবসা শুরু করতে সমর্থন প্রয়োজন।

ওয়েস্ট সাইড বাজারের বিক্রেতা আকেক আগুয়ার বলেন, "একটি রেস্টুরেন্ট খোলা আমার সারাজীবনের স্বপ্ন এবং আমি এই সুযোগের জন্য চিরজীবন WEDI-র প্রতি কৃতজ্ঞ থাকবো। সকলের উচিত নিজেদের প্রশ্ন করা যে ওয়েস্ট সাইড বাজারকে এর নতুন অবস্থানে সফল করার জন্য তারা কী করতে পারে।"

অভিযোজিত পুনর্ব্যবহার প্রকল্পের জন্য সুপরিচিত ফার্ম, CJS আর্কিটেক্টস (CJS Architects) নায়াগ্রা স্ট্রিটে ওয়েস্ট সাইড বাজারের নতুন বাড়ির নকশা করেছে। দুইতলা ইটের ভবনটি 1910 সালে নির্মিত হয়েছিলো। রূপান্তর কাজ স্ট্রিটকে আলোকিত করবে বড় জানালায় গ্যারেজ-স্টাইল দরজা দিয়ে, উভয় তলায় ঐতিহাসিক কাঁচের ব্লক জানালা সংরক্ষণ করবে, এবং একটি দুইতলা ক্লাই-লিট অ্যাট্রিয়াম এবং একটি রিক্লেইমড জিম মেম্বার কাঠের কেন্দ্রীয় সিঁড়ি তৈরি করবে।

বাজারকে স্থানান্তর ও সম্প্রসারণ করতে সাহায্য করার জন্য এম্পায়ার স্টেট ডেভেলপমেন্ট (Empire State Development, ESD), ওয়েস্টার্ন নিউ ইয়র্ক আঞ্চলিক অর্থনৈতিক বিকাশ পরিষদের (Western New York Regional Economic Development Council, REDC) মাধ্যমে মোট 539,187 মার্কিন ডলার ক্যাপিটাল অনুদান তহবিল প্রদান করেছে। এছাড়াও বাজার একটি পঞ্চম রাউন্ডের বেটার বাফেলো তহবিল (Better Buffalo Fund) বাফেলো মেইন স্ট্রিটস উদ্যোগ (Buffalo Main Streets Initiative) থেকে 500,000 মার্কিন ডলার পেয়েছে যা নিউ ইয়র্ক স্টেট হোমস এবং কমিউনিটি রিনিউয়াল (Homes and Community Renewal) দ্বারা পরিচালিত হয়।

2023 সালের ফল মৌসুমে নায়াগ্রা স্ট্রিট ভবনে সংস্কার কাজ শেষ হওয়া পর্যন্ত 25 গ্র্যান্ট স্ট্রিটে ওয়েস্ট সাইড বাজার খোলা থাকবে।

এম্পায়ার স্টেট ডেভেলপমেন্টের প্রেসিডেন্ট, প্রধান নির্বাহী কর্মকর্তা এবং কমিশনার হোপ নাইট বলেন, "ওয়েস্ট সাইড মার্কেটটি নতুন ব্যবসা শুরু করতে কাজ করতে থাকা বহু প্রতিভাবান উদ্যোক্তার জন্য একটি আশার আলো হয়ে আছে। এটি দোকান বসানোর একটি জায়গার থেকে অনেক বেশি কিছু: বাজারটি এছাড়া একটি স্বপ্নকে একটি সফল ব্যবসায় পরিণত করার জন্য প্রয়োজনীয় অতি গুরুত্বপূর্ণ সমর্থন প্রদান করে। গভর্নর হোকলের কল্যাণে, নতুন বৃহত্তর অবস্থানটি আরো অনেক বেশি উদ্যোক্তাকে এই অনন্য সুযোগের সদ্ব্যবহার করতে দিবে।"

নিউ ইয়র্ক স্টেট হোমস এবং কমিউনিটি রিনিউয়ালের কমিশনার রুথঅ্যান ভিন্সিউস্কাস বলেন, "বাফেলো মেইন স্ট্রিট উদ্যোগের মাধ্যমে, আমরা সম্প্রদায়চালিত এমন প্রকল্পে বিনিয়োগ করি যার ফলে বাফেলোতে আরো সক্রিয়, প্রাণবন্ত, এবং আকর্ষণীয় মিশ্র ব্যবহারের বাণিজ্যিক জেলা তৈরি হবে যা শহরের অর্থনৈতিক প্রবৃদ্ধিতে অবদান রাখবে এবং জীবনযাপনের মান উন্নত করবে। নতুন ওয়েস্ট সাইড বাজারটি একটি ঐতিহাসিক খালি গুদামঘরকে একটি অর্থনৈতিক কেন্দ্রে পরিণত করবে যা উদ্বাস্তু ও অভিবাসীচালিত ব্যবসাসহ স্থানীয় উদ্যোক্তাদের জন্য লাভজনক হবে, এবং যা বাসিন্দা ও দর্শনার্থী সকলের জন্য একটি আকর্ষণীয় গন্তব্য ও একত্রিত হওয়ার স্থান হিসেবে কাজ করবে। শুধু এর প্রথম বছরেই ওয়েস্ট সাইড বাজার 24টি ব্যবসা তৈরি বা ধরে রাখবে বলে এবং বার্ষিক আগমনের সংখ্যা পঞ্চাশ শতাংশ বৃদ্ধি করবে বলে প্রত্যাশা করা যাচ্ছে। আমরা গভর্নর হোকলকে এবং আমাদের বহু অংশীদারদের ধন্যবাদ জানাচ্ছি উদ্ভাবনী এই প্রকল্পের কাজ শুরু করার জন্য।"

ওয়েস্টার্ন নিউ ইয়র্ক আঞ্চলিক অর্থনৈতিক বিকাশ পরিষদের সহপ্রধান এবং বাফেলো স্টেট কলেজের (Buffalo State College) প্রেসিডেন্ট ডাঃ ক্যাথরিন কনওয়ে-টার্নারসাইড বলেন, "REDC ওয়েস্ট সাইড বাজারের অত্যাবশ্যকীয় গুরুত্ব উপলব্ধি করে, যা হলো দর্শনার্থীদের আকৃষ্ট করা, সম্প্রদায়কে সমর্থন করা এবং নিজেদের ব্যবসা বৃদ্ধি করতে উৎসুক অভিবাসী ও উদ্বাস্তুদের জন্য শহরে সুযোগ উন্নত করা। একটি নতুন ভবনে করা এই বিনিয়োগ ওয়েস্ট সাইড বাজারের অভিজ্ঞতাকে আরো উপভোগ্য করবে।"

ওয়েস্টার্ন নিউ ইয়র্ক আঞ্চলিক অর্থনৈতিক বিকাশ পরিষদের সহপ্রধান এবং ক্যাম্পাস ল্যাবসের (Campus Labs) সহপ্রতিষ্ঠাতা এরিক রাইশ বলেন, "সকলেই ওয়েস্ট সাইড

বাজারকে ভালোবাসে, এতো বেশি যে এটি এর গ্র্যান্ট স্ট্রিট অবস্থানের জন্য অধিক বড় হয়ে গেছে। REDC উপলব্ধি করেছে যে নতুন অবস্থানের সম্প্রসারণ সমর্থনের মাধ্যমে আমরা আরো বেশি সংখ্যক গতিশীল উদ্যোক্তাদের ইকিউবেটর স্থান প্রদান করতে, অঞ্চলে পর্যটন বৃদ্ধি করতে, এবং নায়াগ্রা স্ট্রিট এলাকার সার্বিক প্রাণশক্তি উন্নত করতে সাহায্য করছি।"

প্রতিনিধি ব্রায়ান হিগিন্স বলেন, "ওয়েস্ট সাইড বাজারের নতুন অবস্থান আমরা যা জানি তা নিশ্চিত করে যে বাফেলোর বৈচিত্র্য এর শক্তি এবং এটি ক্ষুদ্র ব্যবসার বিকাশ ও অর্থনৈতিক স্থিতিশীলতার একটি অনুঘটক। বাজারের নায়াগ্রা স্ট্রিট অবস্থানটি উদ্যোক্তাদের জন্য তাদের পণ্যের নতুন বাজার তৈরির আরো ভালো সুযোগ প্রদান করবে। এছাড়াও এটি আরেকটি ঐতিহাসিক ভবনকে পুনর্জীবিত করবে, আমাদের উৎপাদনশিল্পের অতীতকে ভবিষ্যতে নিয়ে যাওয়ার প্রচেষ্টাকে অব্যাহত রাখবে। আমরা দীর্ঘদিনের প্রতীক্ষিত এই সম্প্রসারণ প্রকল্পের কাজ শুরু হতে দেখে গর্বিত।"

স্টেটের সিনেটর শন রায়ান বলেন, "নায়াগ্রা স্ট্রিটের রূপান্তরের আরেকটি ধাপ উদযাপন করতে পেরে আমি অত্যন্ত খুশি, এবং এটি একটি বড় ধাপ। ওয়েস্ট সাইড বাজার ইতিমধ্যেই আমাদের অভিবাসী ও উদ্বাস্তু জনগোষ্ঠী আমাদের সম্প্রদায়ে যেই বহু মহান অবদান রাখে তার একটি জ্বলজ্বলে প্রতীক হয়ে আছে। এই সম্প্রসারণ ওয়েস্ট সাইডে আরো বেশি দারুণ ক্ষুদ্র ব্যবসা নিয়ে আসবে।"

অ্যাসেম্বলি সদস্য জন ডি. রিভেরা বলেন, "2011 সালে শুরু হওয়ার পর থেকে ওয়েস্ট সাইড বাজার একটি ইকিউবেটরের থেকেও বড় কিছু হয়ে আছে যার মধ্যে উদ্যোগী, অভিবাসী ব্যবসার মালিকেরা নিজেদের পেশাদার স্বপ্নকে বাস্তবে পরিণত করতে পারে। এই স্থানটি একটি সম্প্রদায়ের কেন্দ্রে পরিণত হয়েছে, এবং এখন এটি বাফেলোর অভিবাসী-চালিত প্রাণোচ্ছলতা এবং পুনরুত্থানের একটি ক্ষুদ্র জগৎ হিসেবে কাজ করে। বাজারের নতুন অবস্থান, যেখানে এর উদ্যোক্তাদের জন্য আরো বেশি স্থান ও সংস্থান থাকবে, হলো বাফেলোর অব্যাহত উপরের দিকে যেতে থাকা অর্থনৈতিক গতিপথের আরো একটি উদাহরণ এবং এটি ওয়েস্ট সাইডের সাম্প্রতিক সফলতার গল্পের প্রতিফলন হবে।"

বাফেলোর মেয়র বায়রন ডব্লিউ. ব্রাউন বলেন, "ওয়েস্ট সাইড বাজার বহু অভিবাসী, উদ্বাস্তু এবং তিনি সুবিধাবঞ্চিত উদ্যোক্তাদের জন্য একটি দুর্দান্ত সম্পদ হয়ে আছে, যারা এটিকে গত দশকে বাড়ি হিসেবে জেনেছে। এছাড়াও এটি বাফেলোর খাদ্য সংস্কৃতিতে দারুণ বৈচিত্র্য নিয়ে এসেছে, স্থানীয় ও দর্শনার্থী সকলের জন্য একটি আবশ্যিক বেড়াতে যাওয়ার স্থান হয়ে উঠেছে। অপেক্ষাকৃত বৃহত্তর সাইটটি বাজার এবং এর বিক্রেতাদের উচ্চতর পর্যায়ে পৌঁছাতে দিবে, এর ভাড়াটিয়াদের, বাফেলো সিটি এবং আমাদের অঞ্চলকে আরো বেশি অর্থনৈতিক সুবিধা প্রদান করবে।"

ওয়েস্ট সাইড বাজার সম্পর্কে আরো তথ্যের জন্য [এখানে](#)। WEDI সম্পর্কে আরো তথ্যের জন্য ক্লিক করুন [এখানে](#)।

এম্পায়ার স্টেট ডেভেলপমেন্ট সম্পর্কে

এম্পায়ার স্টেট ডেভেলপমেন্ট (Empire State Development) হচ্ছে নিউ ইয়র্কের প্রধান অর্থনৈতিক উন্নয়ন সংস্থা (www.esd.ny.gov)। ESD এর মিশন হচ্ছে একটি উন্নত এবং ক্রমবর্ধমান অর্থনীতি প্রতিষ্ঠা করা, নতুন কর্মসংস্থান এবং অর্থনৈতিক সুযোগের তৈরিকরণ উৎসাহিত করা, স্টেট এবং তার মিউনিসিপ্যালিটিস রাজস্ব বৃদ্ধি করা এবং স্থিতিশীল ও বৈচিত্র্যময় স্থানীয় অর্থনীতি অর্জন করা। ঋণ, অনুদান, ট্যাক্স ক্রেডিট এবং অন্যান্য ধরনের অর্থনৈতিক সহায়তা ব্যবহারের মাধ্যমে নিউ ইয়র্ক স্টেটে কর্মসংস্থান সৃষ্টি শুরু করা এবং উন্নত কমিউনিটিকে সহায়তা করার জন্য ESD ব্যক্তিগত ব্যবসায় বিনিয়োগ বৃদ্ধি করার প্রচেষ্টা চালাচ্ছে। এছাড়াও ESD হলো আঞ্চলিক অর্থনৈতিক উন্নয়ন কাউন্সিলগুলোর এবং স্টেটের আইকনিক পর্যটন ব্র্যান্ড "আই লাভ NY" ("I LOVE NY") এর বিপণনের তত্ত্বাবধানকারী প্রধান প্রশাসনিক সংস্থা। আঞ্চলিক কাউন্সিল এবং এম্পায়ার স্টেট ডেভেলপমেন্ট সম্পর্কে আরো তথ্যের জন্য, অনুগ্রহ করে www.regionalcouncils.ny.gov এবং www.esd.ny.gov ওয়েবসাইট দেখুন।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418